

Slide	<ul style="list-style-type: none"> • 多謝主席。
1	<ul style="list-style-type: none"> • 五年發展計劃主要考慮嘅因素，係要配合社會各方面發展所衍生嘅電力需求，包括新發展地區 同埋大型嘅交通基建項目，大部份都係喺中電服務嘅區域
2	<ul style="list-style-type: none"> • 投資除咗係為基建發展，亦要更新發電同輸配電系統；提升發電設備嘅效益，同推行用電需求管理措施，提升環保表現 • 計劃嘅首要目標 就係提供可靠嘅電力供應，同時一定要唔超越 早喺 2010 年訂定 在未來幾年 會越來越嚴格嘅減排上限
3	<ul style="list-style-type: none"> • 今次發展計劃嘅總資本支出係 341 億港元，較上一個發展計劃減少 18%
4	<ul style="list-style-type: none"> • 中電一直審慎理財，致力將電價調整幅度維持喺合理水平。2014 年嘅基本電價同十年前一樣，而喺未來五年期間嘅平均加幅，每年係 1.8%
5	<ul style="list-style-type: none"> • 由於中電早於 1996 年就開始用更加潔淨嘅天然氣，起步點早很多，為達到 2015 年香港嘅減排要求，中電需要大幅增加使用天然氣發電，我地因為有較多嘅天然氣發電機組，所以承擔咗超過九成嘅天然氣發電升幅，即係喺 2015 年 我地要燒雙倍嘅天然氣發電，同時需要 採用中央政府同特區政府喺 2008 年簽訂嘅「能源合作諒解備忘錄」嘅西氣東輸天然氣，所以直接對電價造成嚴重嘅壓力。 • 儘管處於呢個情況，我地一直竭盡所能，努力減低呢個影響 • 今次嘅總燃料支出，比起上一個發展計劃，上升 97%，導致我地估計喺未來五年，電價繼續有上調嘅壓力 • 事實上，我地有好幾項 調整電價措施，如果逐步落實，係

	<p>可以繼續降低 現時估算嘅 燃料支出同電價，當中例如：進一步延遲使用氣價較高嘅氣源、盡量增加使用低排放燃煤、提升機組嘅運作表現，以及商討可否喺一段短暫期間內，喺大亞灣輸入多少少核電等等</p>
6	<ul style="list-style-type: none"> • 2014 年嘅電價調整有四個重點： <p>第一，我哋嘅平均電價增幅係 3.9%，當中平均基本電價將提高 4.2 港仙，主要原因係整體成本上升、新嘅發展計劃投資項目展開；燃料價收費就會保持不變</p>
7	<p>第二，我地會繼續推出鼓勵客戶節能嘅措施，提供「節能回扣」。低用電量嘅客戶，即係每張電費單少過 400 度，分別有 33%嘅住宅同 43%嘅工商客戶，佢地嘅電費 會維持不變</p> <p>第三，為鼓勵高用量客戶節約用電，中電住宅用電價目，將會增加第七級別收費，預計受影響的客戶只有 0.2%</p>
8	<p>第四，因為今年煤價跌價超過兩成，加上天氣較涼，所以用來 穩定燃料價 嘅戶口 會有 12 億元存款，但到 2015 年時由於要面對龐大燃料費壓力，就算用呢筆錢穩定燃料價，我地預期會出現 15 億港元嘅負結餘</p>
9	<ul style="list-style-type: none"> • 中電默默地服務香港 112 年，從來都喺用心以我地嘅專業，履行對社會嘅承諾，提供可靠嘅電力供應，今年輕嘅一代無須好似一啲其他城市嘅市民，經歷大停電 • 我地呢個行業，從來知道每度電得來不易，所以堅信「應用則用」，希望鼓勵每個人改變生活習慣，節能慳電 • 我地覺得要有更多公眾教育協助公眾慳電；我地明白到有一班好需要大家幫助 但又未必被納入保護網中 嘅朋友，所以喺明年 我地邀請區議會 同社福機構，攜手向有需要家庭 送贈家電四寶、同埋幫獨居長者換 LED 燈膽

- 另外，我地亦成立「能源效益基金」資助有意安裝節能裝置嘅非商業樓宇業主，令更多人有更環保嘅生活

主席，我入行超過三十年，見證咗香港發展同電力供應面對過嘅不同挑戰，最後都能夠迎刃而解。

燃料價格呢個問題，係一個世界性嘅問題，好多行業都受影響，需要政府、電力公司以及各界人士一齊諗方法去減輕壓力。我承諾會盡我所能，採取措施去減低未來電費調整嘅壓力。

多謝主席。